



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Verbo Dei Libri Tres**

**Helm, Heinrich**

**Coloniae, 1560**

**VD16 H 1736**

Exempla tum sanctorum tum impiorum sunt intuenda. Cap. XXI.

**urn:nbn:de:hbz:466:1-30114**

dit, & nunquam nõ in peius proficit, vsq; in sordibus for-  
descens, addensq; præuaticiones.

Exempla tum sanctorum tum impiorum sunt intuen-  
da. Cap. XXI.

- A**Vnde, qui canonem sacrum testamenti veteris di-  
gesserunt, non solum in auctoritatem, legis libros,  
**Num. 21.** quos Moses amicus Dei scripsit (quamuis exemplorum in  
eis, tum piorum, tum impiorum, grandis sylua digesta sit)  
sed & historiarum libros receperunt in canonem suum.  
**1. Cor. 12.** Quatenus ista vel legentes vel audientes, iustitiæ bono-  
**Gal. 4.** rum, qui per opera bona deo placuerunt ab initio, data o-  
pera studerent æmulatores fieri. Reproborum verò, qui  
**Eccles 8.** absq; omni timore mala perpetrant, & iniquè agunt vs-  
quequaq; facinora, & deo odibilia opera, vt lineam mini-  
atam, vt lætale mulsam, vt ipsam mortem, fugerent, deui-  
tarent, formidarentq;. Atq; in hunc modum, manus suas  
**Psal. 57.** lauarent in sanguine peccatorum. Hinc Balthasar rex, à  
**Dan. 5.** Daniele arguitur, quòd expatris sui Nabuchodonosor  
deiectione quam scribit, non humiliavit cor suum, sed  
magis aduersus deum cæli eleuauit, vasis tèpli abusus fuit,  
**Psal. 36.** idola coluit, deum cæli non glorificauit: ideo regno, gen-  
te, & vita orbatus fuit: Nemo igitur æmuletur in malignã-  
tibus, neq; zelauerit facientes iniquitatem. Quoniam qui  
malignantur exterminabuntur, confirmat autem iustos  
dominus. Hinc Apostolus ad exempla malorũ intuendã,  
ne eos imitemur in malo, & iustam dei iram super nos pro-  
**1. Cor. 10.** uocemus adhortatur dicens: Ne sitis concupiscentes ma-  
lorum, sicut & illi cõcupierunt &c. Neq; idololatræ: neq;  
fornicemur, neq; tentemus Chrm. Neq; murmuraueritis,  
sicut qdam illorũ murmurauerunt, & perierunt ab exter-  
**Ecc. 17.** minatore. Hæc em̃ om̃ia, illis cõtingebãt in figura nostri.  
Hinc seruator noster ait: Memores estote vxoris Loth.

De bonorum electorumq; iustitia æmulanda ait Apo- **B**  
 stolus: Mementote prapositionū vestrorū, qui locuti sunt  
 vobis verbum Dei: quorum intuentes exitum, conuersa-  
 tionis fidem imitamini: Et iterum: Cupimus vnūquemq; *Hebr. 13.*  
 vestrū, eandem ostentare sollicitudinem, ad expletionem *Heb. 6.*  
 spei vsq; in finē, vt nō seynes efficiamini: verū imitatores  
 eorum, qui fide & patiētia, hæreditarūt promissiones Dei.  
 Et frater dñi Iacobus ait: Exemplum accipite fratres exi- *Iacob. 5.*  
 tus mali, & longanimitatis & laboris & patientiæ, prophe-  
 tas, qui locuti sunt vobis in noīe dñi. Ecce beatificamus e-  
 os qui sustinuerunt. Sufferentiam Iob audistis, & finē dñi  
 vidistis. Ergo æmulari debemus charismata meliora. Hinc  
 rursus scriptum est: Attendite ad petram vnde excisi estis, *1. Cor. 12.*  
 & ad cauernam laci vnde præcisi estis. Hoc est, ad Abra- *Esa. 51.*  
 ham & Saram: Vt si Abrahæ filij estis, & vultis in illo glo- *Ioan. 16.*  
 rari, tunc & opera Abrahæ facite: Ambulate coram deo, *Gene. 15.*  
 & estote perfecti in fide & dilectione. Nam qui seruat ver-  
 bum Dei, verē in illo charitas Dei perfecta est. Ideo si fide *1. Ioan. 2.*  
 Abrahæ imitatores fuerimus, quæ fuit donis operibus ad- *Iacob. 2.*  
 ornata, & operosa per dilectionē, tum cū fidei Abraham *Gal. 5.*  
 benedictionem consequemur à deo. Hinc tuba euangelij *Galat. 3.*  
 ait: Imitatores mei estote fratres, & non solū mei, sed &  
 illos oēs obseruate, qui ita ambulant sicut habetis formam  
 nos. Hinc tam longum & sanctissimū catalogum sanctorū *philip. 3.*  
 ad Hebræos ex ordine recēset qui per fidē deo placuerūt, *Heb. 11.*  
 in fide vixerūt, & deo digna & accepta opera fecerunt. Vt  
 ex eis discam⁹, qualis debeat esse fides nostra. Nō inanis & *1. Cor. 15.*  
 vacua, nō diabolica & mortua, nō reprobōrū aut ficta, sed *Iacob. 2.*  
 electorū & dei, sed vera, sed viua, sed sana, sed iustificans,  
 sed pbata. Supuacūe stultæ virgines & seruus piger in dñi  
 misericordiā sperauerūt. Frustra edones & bibones, q̄ ver-  
 bū Dei audierūt & non fecerūt, sed iniquitatē operati fu-  
 erant, nomen domini inuocauerunt: Temere ad nuptias  
 ingres-

- ingressus fuerat cum inani & vana fide sua, qui veste nuptiali charitatis non fuerat superindutus. Qui adhuc scopum scripturam, docet, tractat & exponit, nempe, vt audientes declinent à malo & faciant bonum: Et super omnia charitatem continuam habeant in semetipsis, quæ omnia credit, & omnia sperat: Iste viam Dei docet in veritate: Hic rectè tractat verbum veritatis: Ex sinceritate loquitur verbum dei, sicut ex deo reuelatum est, coram deo in Christo. Hic fidelis dispensator est multiformis gratiæ dei. Hic ad iustitiam plurimos erudit. Ideo sicut sol & stella fulgebit in æterna claritate, & super omnia bona domini sui constituetur. Qui secus tractat verbum dei, adulterator est, & eius pessimus deprauator, cuius finis erit secundum opera sua in igne æternæ damnationis.
- Psal. 33.**  
**1. Pet. 4.**  
**Matt. 22.**  
**2. Tim. 2.**  
**2. Cor. 2.**  
**Dan. 12.**  
**Luc. 12.**  
**2. Cor. 11.**

## Scopus sacre scripture perstringitur. Cap. XXII.

- A** **V**T autem omne os magistrorū mendacium obstruatur, & subditus fiat omnis homo deo & verbo eius, apostolum audiamus, scopum hunc quem diximus confirmantem: Omnis scriptura, inquit, diuinitus inspirata, utilis est ad docendum ignorantes, fidem videlicet & quæ fidei sunt, vt præordinati ad vitam æternam, per fidem & verbum dei instructi, in fide faciāt voluntatem dei, & dignè ambulent deo & euangelio gratiæ eius, in omni opere bono fructificando.
- B** Deinde scriptura utilis est ad arguendum, negligentes videlicet & peccantes. Ille (inquit Christus) arguet mundum, de peccato infidelitatis, de iusticia, quam non faciūt & de iudicio, quod non expauescunt. Hoc fecit, qui amor, charitas, benignitas & bonitas ipsa est, spiritus sanctus. Vnde colligitur, quod in spiritu lenitatis fieri debet reprehensio & misericordia, Et si aliquando oportet aliquos durius increpare, aut tradere Satanæ in interitum
- Rom. 3.**  
**2. Tim. 3.**  
**Rom. 1.**  
**Act. 18.**  
**Deut. 6.**  
**Mich. 6.**  
**Eph. 4.**  
**Ioan. 16.**  
**Gal. 6.**  
**Psal. 140.**